

Broj:L20-12/15
Datum:09.12.2015.

ZAPISNIK SA IX SASTANKA LEF-a OPĆINE ŽEPČE

Sastanak je održan u srijedu, 09.12.2015. godine. sastanku su prisustvovali: Općinski načelnik Mato Zovko, Predsjedavajući OV Muhamed Jusufović, direktorica RAŽ-a Branka Janko, pomoćnik načelnika za gospodarstvo i finansije i predsjednik LEF-a Namik Malićbegović, pomoćnica načelnika za graditeljstvo i prostorno uređenje Brigita Lovrić, direktor SMS "Žepče" Zijah Malićbegović, ravnatelj Tehničko-obrtničke škole KŠC Don Bosco Marinko Antunović, Josip Jukić – „California“ d.o.o, Edin Čaušević „Frigošped“ d.o.o i Valentina Trogrlić „Jelinak „d.o.o. Gost LEF-a bio je Zoran Martinović, zapovjednik Vatrogasne postrojbe općine Žepče.

Za sjednicu je predviđen dnevni red:

1. Usvajanje dnevnog reda IX sjednice LEF-a;
2. Usvajanje zapisnika sa VIII sjednice LEF-a;
3. Razmatranje i usvajanje Izvještaja o radu LEF-a za 2015. godinu;
4. Razmatranje Nacrta budžeta/proračuna općine Žepče za 2016. godinu – podnositelj pomoćnik načelnika za gospodarstvo i finansije;
5. Informacije o inicijativama iz 2015.
6. Informacija o provedenoj Anketi o zadovoljstvu privatnog sektora uslugama javnog sektora – podnositelj RAŽ;
7. Informacije o provedenim aktivnostima između VIII i IX sjednice LEF-a;
8. Revidiranje članstva LEF-a;
9. Zaključci i planiranje naredne sjednice.

Ad1 Usvajanje dnevnog reda

Predsjednik LEF-a ponudio na diskusiju dnevni red koji je usvojen sa dopunom razmatranja Izvještaja o Akcionom planu Strategije razvoja općine Žepče za 2015. godinu.

Ad2 Usvajanje zapisnika sa VIII sjednice LEF-a

Zapisnik sa VIII sjednice je jednoglasno usvojen.

Ad3 Razmatranje i usvajanje Izvještaja o radu LEF-a za 2015. godinu

Izvještaj o radu LEF-a predstavila je direktorica RAŽ-a Branka Janko. S obzorom da je Izvještaj dostavljen u materijalima, napomenula je samo osnovne preporuke za rad u narednoj godini koje se odnose na pokretanje inicijativa prema višim nivoima vlasti.

Izvještaj je jednoglasno usvojen i kao takav podržan da se dostavi Općinskom vijeću na usvajanje.

Ad4 Razmatranje Nacrta budžeta/proračuna općine Žepče za 2016. godinu – podnositelj pomoćnik načelnika za gospodarstvo i finansije

Općinski načelnik Mato Zovko upoznao je nazočne o Nacrtu budžeta općine Žepče za 2016. godinu. Također je uporedio budžet Općine Žepče sa drugim općinama u BiH. Dodao je da je prijedlog Komisije za proračun i finansije da budžet Općine Žepče bude planiran sa 7 miliona KM radi donacija Općini Žepče sa sanaciju posljedica prirodne nesreće. Načelnik je naglasio da je planirani budžet od 6.818.000,00 KM realan.

Namik Malićbegović – pomoćnik načelnika za gospodarstvo i finansije da je dodatna pojašnjenja vezana za strukturu općinskih prihoda i rashoda.

Nakon prezentiranog Nacrta budžeta Općine Žepče za 2016. godinu, LEF se očitovao pozitivno te podržao da predloženi Nacrt ide na usvajanje Općinskom vijeću.

Ad5 Informacija o inicijativama iz 2015. godine

Inicijativu „Općinske linije“ obrazložio je Namik Malićbegović – pomoćnik načelnika za gospodarstvo i finansije.

Naglasio je da je kontaktirao resorno ministarstvo sa molbom za očitovanje o pitanju općinskih linija u Općini Žepče. Prema trenutnoj situaciji vezano za Općinske linije, raspisat će se novi natječaj za linije koje nisu sporne.

Inicijativa „Sanacija podvožnjaka“

Namik Malićbegović – pomoćnik načelnika za gospodarstvo i finansije informisao je nazočne o poduzetim radnjama na sanaciji podvožnjaka i naglasio da je trenutno rješenje (čišćenje cjevovoda i pjeskolov) privremeno te da se u narednom periodu očekuje konačno rješenje koje bi spriječilo nakupljanje vode u podvožnjaku.

Inicijativu „Poslovna zona Donja Golubinja“ obrazložila je pomoćnica načelnik Brigita Lovrić.

Naglasila je da će Služba za graditeljstvo i prostorno uređenje pripremiti obuhvat zone sa grafičkim prikazom koji će biti dostavljen privrednicima iz Donje Golubinke na uvid nakon čega će prijedlog za proglašenje Poslovne zone Donja Golubinja ići na usvajanje Općinskom vijeću u januaru mjesecu 2016. godine.

Valentina Trogrlić – „Jelinak“ d.o.o postavila je pitanje vezano za inicijativu prijevoznika u vezi tajnosti prijedloga općinskih linija koje su prijevoznici dostavili po objavljenom natječaju. Namik Malićbegović – pomoćnik načelnika za gospodarstvo i finansije odgovorio je da će prilikom objave novog natječaja za općinske linije biti uvažene uplate koje su prijevoznici izvršili po prvoj objavi natječaja a da prijedlozi linija svih prijevoznika poznati jedino Komisiji.

U vezi inicijative „Vatrogastvo“ pojašnjenja je dao gost LEF-a Zoran Martinović, zapovjednik Vatrogasne postrojbe općine Žepče.

Naglasio je da su usluge koje Vatrogasna postrojba može pružati pregled i kontrola vatrogasnih aparata. Istakao je da je vatrogasna naknada uvedena Odlukom Općinskog vijeća. Novac od vatrogasne naknade se troši za vatrogasnu opremu. Što se tiče edukacije uposlenika, Vatrogasna postrojba nema zakonske mogućnosti da ih vrši. Načelnim Općine Žepče Mato Zovko predložio je da se provjere cijene po kojima privatne firme osnovane za djelatnost kontrole vatrogasnih aparata vrše usluge firmama iz Žepča te da, ukoliko se mogne formirati konkurentna cijena, Vatrogasna postrojba Općine Žepče vršu uslugu kontrole vatrogasnim aparata svim firmama u Općini Žepče.

Josip Jukić – „California“ i Edin Čaušević – „Frigošped“ predložili su da Vatrogasna postrojba pregleda elaborate o zaštiti od požara firmama iz Žepča.

Zoran Martinović obrazložio je da se takva vrsta elaborata radi jednom i to pri izradi projektne dokumentacije za građevinski objekat na koji se odnosi i da ga nije potrebno mijenjati.

Martinović je naglasio da Vatrogasna postrojba nema ovlaštenja da donosi odluke ali je predložio donošenje odluke da urednim platišama vatrogasne naknade vrše usluge kontrole vatrogasnih aparata 50% jeftnije od važeće cijene.

Zaključeno je da će RAŽ raditi na formulaciji ove inicijative ka konačnom rješenju.

Ad6 Informacija o provedenoj Anketi o zadovoljstvu privatnog sektora uslugama javnog sektora – podnositelj RAŽ;

Analizu je predstavila Branka Janko – direktorica RAŽ-a. Anketa je provedena na uzorku od 25 d.o.o firmi a predstavljeni podaci su uporedivi sa podacima dobivenim kroz istraživanje koje je provedeno u 2013. i 2014 . godini. Naglasila je da Analiza pokazuje određena poboljšanja koja se odnose na zadovoljstvo privatnog sektora uslugama javnog sektora.

Istakla je osnovne potrebe privatnog sektora a poseban akcent je dala na inicijativu privatnog sektora za uvođenjem olakšica kod plaćanja ovjere dokumentacije potrebne za prijavu na tender.



Općinski načelnik je podržao ovu inicijativu te predložio da se domaće firme koje trebaju ovjeru 5 ili više stranica, oslobode plaćanja naknade za ovjeru ili da se uvede popust na plaćanje naknade za ovjeru dokumenata.

Edin Čaušević – „Frigošped“ d.o.o je istakao problem čišćenja snijega u sporednim ulicama u Žepču te da se firme koje s zadužene za zimsko održavanje kontaktiraju vezano za taj dio.

Informacija o povedenoj anketi je primljena k znanju.

Ad7 Informacije o provedenim aktivnostima između VIII i IX sjednice LEF-a;

Branka Janko – direktorica Razvojne agencije Žepče predstavila je zaključke sa panel rasprave Drugog Gospodarskog foruma Općine Žepče koji je održan 15.10.2015. godine sa temom Energetska učinkovitost kao motiv i mogućnost za smanjenje troškova i podizanje konkurentnosti MSP-a“. naglasila je da će Razvojna agencija Žepče pokrenuti inicijativu Federalnom ministarstvu prostornog uređenja i Ministarstvu energetike kako bi se u ovoj oblasti pružila određena podrška privatnom sektoru u općini Žepče.

Marinko Antunović – ravnatelj Tehničko-obrtničke škole Don Bosco prezentirao je zaključke druge sjednice Odbora za obrazovanje i zapošljavanje Općine Žepče.

Između ostalog istakao je da bi LEF trebao podržati inicijativu da privatni sektor stipendira učenike i studente koji se obrazuju za deficitarna zanimanja te da ih nakon završetka školovanja zaposle.

Također je naglasio da će, u skladu sa zaključkom Odbora da se profesionalna orijentacija osnovnih i srednjih škola u općini Žepče vršiti početkom 2016. a u skladu s tim je potrebno da privatni sektor do kraja 2016. godine dostavi prijedloge za zanimanja koja treba upisati u 2016. godini kako bi škole adekvatno pripremile promociju tih zanimanja.

Josip Jukić – „California“ predložio je da se organizira obuka za kuhare, u restoranu izvan Žepča nakon čega ugostitelji zaposliti obučene radnike. U slučaju „California“ ti radnici bi bili zaposleni na neodređeno vrijeme.

Izvještaj o realizaciji Izvještaja o Akcionom planu Programa postinvesticione podrške stranim ulagačima u općini Žepče u 2015. godini, podnijela je direktorica RAŽ-a Branka Janko. LEF je informisan o sastancima sa stranim investitorima koji su održani u sklopu Aftercare programa a informacija je primljena k znanju.

Ad8 Izvještaj o realizaciji aktivnosti iz Akcionog plana za 2015. godinu za realizaciju Strategije razvoja općine Žepče 2011. – 2018.

Izvještaj je podnijela Branka Janko - direktorica RAŽ-a.

Napomenula je da u Izvještaj uključeno 30 projekata koji se odnose na otklanjanje posljedica od prirodne nesreće koja je zadesila općinu Žepče a provedeni su u 2015. godini. Zajedno sa tim projektima, izvršenje Akcionog plana iznosi 94%. Napomenula je da se mali broj projekata odnosi na SC1- Konkurentno gospodarstvo te da Akcionim planom za 2016. godinu treba planirati više projekta koji će doprinijeti ostvarenju ovog cilja.

Ovaj Izvještaj je primljen k znanju a LEF potpuno podržava da ovakav Izvještaj ide na usvajanje Općinskom vijeću.

Ad9 Revidiranje članstva LEF-a

Branka Janko – direktorica RAŽ-a informirala je članove LEF-a o isteku mandata na koji je imenovan trenutni saziv. Napomenula je da isti saziv može biti imenovan još jednom ali da treba birati nove predstavnike sektora koji se ne odazivaju na sjednice kao i uključiti predstavnike obrta i trgovine. Predložila je da se organiziraju sektorski sastanci na kojima će biti izabrani novi predstavnici sektora. Članovi LEF-a su saglasni sa ovim prijedlogom a na revidiranju će se raditi u januaru 2016. godine.



**LOKALNI
EKONOMSKI
FORUM
OPĆINE ŽEPČE**

Tehničko tajništvo LEF - RAŽ

Ul Prva b.b. (Dom kulture Žepče)

Tel: 032 880 273

razepce@gmail.com

www.razepce.com

www.opcina-zepce.com

Ad10 Zaključci i planiranje naredne sjednice

Na kraju sjednice Marinko Antunović – ravnatelj Tehničko-obrtničke škole KŠC Don Bosco je informirao LEF o fizičkog sukoba koji se desio između učenika Autobusnoj stanici Žepče.

Predložio je da se pokrene inicijativa ispred LEF-a da se u periodima kada je velika koncentracija učenika na Autobusnoj stanici Žepče (period od 13:00 – 15:00h i 18:00 – 20:00) angažuje zaštitar ili policijska patrola radi pojačane sigurnosti.

Inicijativa je podržana od strane LEF-a te će se zatražiti policijski nadzor u predloženim terminima i lokalitetu.

Sjednica je završena u 16:30.

Zapisnik sačinila

Berina Grahić
Berina Grahić

Predsjednik LEF-a

Namik Malićbegović